

LESON 1 – Jézu rélé disip Li yo

Nòt pou institutè / institutris: Nan tout ministè ou, ou doué pran souin é prié. Sa sé byin impotan lòské ou anségné volum sa-a. Dèské chak léson pé pâlè aléga Sovè-a, Satan va fè éfo pou fè léson an inéfektif. Min, «ou gin tan poté la viktoua sou yo paské Sila a ki nan ou pi gran pasé sila-a ki nan lé monn.» (I Jan 4:4) Satan gin puisans. Pitit Bon-Dieu-a gin TOUT puisans.

Nan premié léson sa-a, ou va prezanté Lé Sègné Jézu Kri kòm Lagno Bon-Dieu. Sa va nésèsè pou ou ékspliké-l byin. Pètèt èlèv ou yo pa konnin angnin aléga mouton ké yo té kòn sèvi pou fè sakrifis. Pran asé tan nan komansman léson sa-a pou édé yo konprann tout sa Jan té vlé di dèské li tap pâlè aléga Jézu kòm «Lagno Bon-Dieu-a».

1. Lagno Bon-Dieu-a sé Sila-a ki sovè nou nan péché nou.
2. Li-minm, ki san péché, ap invité sa yo ki aksépté-l pou padonnin péché yo, pou yo suiv Li nan sèvis Li.

Examiné kè ou chè institutè/institutris. Eské ou-ap suiv Jézu Kri nan obéyisans? Eské ou kapab di (kòm lapòt Pòl) «Suiv éksamp mouin, minm jan mouin-minm mouin suiv éksamp Kris.» (I Kor. 11:1) Ou-ap anségné plus pa mouayin lavi ou pasé avèk bouch ou!

Tan pri, étudié Matié 3:1-17; Mak 1:1-11; Luk 3:1-18; Jan 1:15-51 avan ou li text k-ap suiv la.

VESE POU APRAN PA KE: «Kant-a nou, nou té rann témouagnaj ké papa-a té voyé Pitit la kòm Sovè lé monn.» (I Jan 4:14)

INTRODUKSION: Nou té déjà étudié aléga lavènin Pitit Bon-Dieu-a sou latè. Nou té étudié nésans Li, lamò Li, rézuréksion Li, é ké Li té monté nan sièl la. Eské sa sé tout sa nou kapab konnin aléga Li? Min non! Gingnin anpil bagay toujou. Nan léson sa yo nou va aprann sa ki té rivé ant nésans é lamò Jézu Kri.

Nou pa konnin anpil aléga sa ki té rivé lòské Li t-ap grandi éksèpté sèl sa-a, lè Li té gingnin douz an. Li té nan lakay Bon-Dieu avèk lidè rélijé yo. (Gadé Luk 2:42,46) Yo té kouté-L, é yo t-ap pozé-L késtion, é yo té «Sézi dévan intéljans Li é dévan répons Li yo.» (Luk 2:47) Aprè sa nou pa konnin angnin aléga Li juska Li fi-n grandi anviron lāj dé trant an. (Gadé Luk 3:23) Epi pou touzanané Lé Sègné Jézu té fè tèlman anpil bagay, ké «si yo ta ékri tout, mouin kouè lé monn minn pa ta kapab kinbé liv yo ki ta ékri.» (Jan 21:25)

LESON AN: Prèské dépi o komansman, nou li nan Paròl Bon-Dieu, aléga lagno yo (mouton yo). Yo té kòn sèvi avèk yo kòm sakrifis. Sa vlé di, lòské gnou moun té fè péché li té bézouin tué é brulé pi bon mouton li té gingnin. Mouton an té pran plas moun nan ki té fè péché-a.

Institutè/institutris: Gadé Jénèz 4:4; 22:7; Exod 12:3-6; 29:38-42; Nomb. 28:9-19, 26-27; 29:1,2,7,8,13-36; Lévitik 12:6; 14:10-18)

Montré Désin 1

Avan ké gnou moun té adoré Bon-Dieu, li té ofri gnou sakrifis pou péché li yo. Gnou si gran nomb mouton (ou lòt zanimo) ké nou pa kapab konté, té mouri nan plas moun ki péchè yo. Min, nan pouin pami mouton é lòt zanimo sa yo ki té kapab ouété péché-a. Gnou rézon ké yo té fè sakrifis sa yo sé té pou fè moun yo sonjé ké gnou jou va gingnin gnou Sakrifis ki va tout-afè pafèt. Yo ta ofri Li gnou foua pou tout moun épi pou tout tan. Sakrifis pafèt sa-a sé lé Sègné Jézu Kri. (Gadé Ebré 10:4-14)

Avan ké Pitit Bon-Dieu-a té vini sou latè, pluziè té ékri ké Li ta vini. Gnoun té ékri, «Li sanblé avèk gnou agno ké yo minnin nan la bouchéri.» Ezai 53:7). Sa té ékri plus ké sèt san ané avan Jézu Kri té fèt. Sa té ékri pou édé moun yo konprann ké Pitit Bon-Dieu-a va soufri lamò.

Minm profèt sa-a, Ezai, té ékri tou, ké lé Pitit Bon-Dieu a ta vini sou latè.arivé Li ta anonsé pa gnoun moun ki ta bay bòn-nouvèl la nan dézè-a. (Gadé Ezai 40:3-5). -

Finalman, éksaktéman kòm profèt la té ékri pluziè ané davans gnou nonm té préché nan dézè-a. Nonn li sé Jan Batis. Li té travèsè bò Rivière Joudin an ap pâlè aléga Gnou Nonm éspécial ki ta vini. Dèské sa té gnou péyi sovaj, Jan Batis té mété rad fèt avèk poual chamo. Li té manjé sa ké li té kòn jouin lòské li t-ap travèsè dézè-a: krikèt avèk siro mièl.

Gran foul moun té sòti lavil yo pou tandé Jan Batis préché. Li té ékspliké yo ké yo té bézouin répanti nan péché yo é yo té bézouin batizé nan Rivière Joudin an pou montré ké yo té régrèt péché yo réèlman. Anpil moun té répanti é té batizé.

Li toujou t-ap pâlè aléga Sila-a ki va vini, Sila-a ki pi gran pasé li-minm, Jan Batis. «Mouin pa mérité pou délasé lasèt soulié Li,» (Jan 1:28) Jan Batis té di.